

四庫全書

子部

欽定四庫全書

普濟方卷十

明周王朱橚撰

運氣圖

甲午歲圖



少陰君火司天陽明燥金在泉中見太宮土運歲土太過氣化運行先天熱化在上左齡化司氣右動化厥陰故天政所布其氣明辛化在下左歲化太陽右明化少陽故地氣肅而其令切寒交暑熱加燥雲馳雨府濕化迺行時雨迺降金火合德上應熒惑太白其穀白丹熱化二雨化五燥化四所謂正化日也羽蟲介靜蟲育藏物之宜也毛蟲耗濕毒不生地氣所制也寒熱持於氣交而為病始熱病生於上清病生於下寒熱相犯而爭於

中民病咳喘血溢血泄軌嚏目赤皆瘍寒厥胃心痛腰痛腹大噎乾腫上是歲火為天氣金為地氣火勝金天氣盈宜於年前先取化源以平火氣土運在中天氣生運運生地氣三氣相得而行順化其邪迺微必抑其運土資其歲勝無使暴過而生其病食白丹之穀以全其真氣食間氣之穀以辟其虛邪歲宜以醎更之而調其上甚則以苦發之以酸收之而安其下甚則以苦泄之適氣異同而多少之運同地氣以溫熱化其化上醎寒

中苦熱下酸熱藥食宜也歲半之前少陰主之化熱若甚
熱淫所勝即怫熱至火行其政民病胸中煩熱噤乾右
肱滿皮膚痛寒熱咳喘大雨且至唾血血泄衄衄嘔嘔弱
色變甚則瘡瘍肘腫肩臑及缺盆中痛心痛肺臈腹大滿
膨膨而喘咳病本於肺診在手尺澤之脉其法平以鹹
寒佐以苦甘以酸收之歲半之後陽明主之陽明之氣
燥淫於內即霧霧清瞑民病喜嘔嘔有苦善太息心脇
痛不能反側甚則噤乾面塵身無膏澤足外反熱其為

法治以苦溫佐以甘辛以苦下之氣交之中土運主之
敦阜之紀是謂廣化厚德清靜順長以盈至陰內實物
化充成煙埃朦鬱見於厚土大雨時行濕氣迺用燥政迺
辟其化圓其氣豐其政靜其令周備其動濡積并穡其
德柔潤重淖其變震驚飄驟其化兼其所勝其病腹滿
四肢不舉故曰歲土太過雨濕流行腎水受邪民病腹
痛清厥意不樂體重煩冤甚則肌肉萎足痿不收行善
瘕脚下痛飮發中滿食減四肢不舉變生得位藏氣伏

化氣獨治之泉涌河行涸澤生魚風雨大至土潰鱗見
于陸病腹滿溘泄腸鳴反下甚而大谿絕者死不治初
之氣自癸巳年大寒日申初至是歲春分日午初凡六十
日八十七刻半主位太角木客氣太陽水中見土運地
氣遷燥將去寒迺始蟄復歲水迺冰霜復降風迺至陽
氣鬱民反周密關節禁固腰膝痛炎暑將起中外瘡瘍
宜治太陽之客以鹹補之以酸收之以苦堅之以辛潤之
歲穀宜丹間穀宜稷雖有寒邪不能為害二之氣自春


分日午正至小滿日辰正凡六十日有奇主位少徵火
客氣厥陰木中見土運木勝土陽氣布風迺行春氣以
至萬物應榮寒氣時至民迺和其病淋目瞑目赤氣鬱
於上而熱宜治厥陰之客以辛補之以酸瀉之以甘緩
之歲穀宜丹間穀宜稻雖有風邪不能為害三之氣自小
滿日巳初至大暑日卯初凡六十日有奇主位少徵火
客氣少陰火中見土運二火相加天政布大火行庶類
蕃鮮寒氣時至民病氣厥心痛寒熱更作欬喘目赤宜調

治少陰之客以鹹補之以甘瀉之以酸收之歲穀宜丹
間穀宜豆雖有熱邪不能為害四之氣自大暑日卯正
至秋分日丑正凡六十日有奇主位太宮土客氣
太陰土中見土運氣與運同又當其位是謂司氣溽暑
至大雨時行寒熱互至民病寒熱嗑乾黃痺飢飢飲發
宜調太陰之客以辛補之以苦瀉之以甘緩之歲穀宜
白間穀宜麻雖有熱化不能為邪是氣也無犯司氣五
之氣自秋分日寅初至小雪日子初凡六十日有奇主

位少商金客氣少陽火中見土運畏火臨暑反至陽迺
化萬物迺生迺長迺榮民迺康其病溫宜治少陽之客
以酸補之以甘瀉之以醎炙之歲穀宜白間穀宜豆雖
有火邪不能為害終之氣自小雪日子正至大寒日戌
正凡六十日有奇主位太羽水客氣陽明金中見土運
土生金燥令行餘火內格腫於上咳喘甚則血噎寒氣
數舉則霧霧翳病生皮腠內舍於脅下連少腹甚則寒
中地將易也宜治陽明之客以酸補之以辛瀉之以苦

世之歲穀宜白間穀宜黍雖有燥邪不能為害是歲火
勝則火復氣之勝也微者隨之甚者制之氣之復也稍
者平之暴者奪之皆隨勝氣安其屈伏無問其數以平
為期

乙未歲圖



太陰濕土司天太陽寒水在泉中見少商金運歲金不及
氣化運行後天濕化在上地氣上騰左少陽明化右少
陰灼化其政肅臧化在下天氣下降左厥陰動化右司氣
素化其令寂陰專其政陽氣退辟大風時起原野昏霧
白埃四起雲奔南極寒雨數至物成於差夏濕寒合德
黃黑埃昏流行氣交上應鎮星辰星其穀稊玄間穀命
太角者熱化寒化勝復同所謂邪氣化日也濕化五清
化四寒化六所謂正化日也裸蟲靜鱗蟲育是

謂歲物所宜羽蟲耗熱毒不生是迺地氣所制故陰凝於上寒積於下寒水勝火則為冰電陽光不治殺氣迺行有餘宜高不及宜下有餘宜晚不及宜早土之利氣之化也民氣亦從之其病寒濕腹滿身臃憤肘腫痞逆寒厥拘急主為天氣水為地氣土勝水天氣盈地氣虛當取化源以平土氣益金運歲中天氣生運運生地氣三氣相得其化順邪氣迺微必益其歲氣無使邪勝食齡玄之穀以全其真食間氣之穀以保其精歲宜以苦燥

之溫之甚者發之泄之不發不泄則濕氣外溢肉潰皮折而水血交流必贊其陽火令禦甚寒歲運同寒宜以熱化上苦熱中酸和下甘熱所謂藥食宜也歲半之前太陰主之若濕淫所勝則沉陰旦布雨變枯槁肘腫骨疼陰痺陰痺者按之不得腰脊頭項痛時眩大便難陰氣不用飢不欲食咳唾則有血心如懸病本於腎診在足太谿之脉其法平以苦熱佐以酸辛以苦燥之以淡泄之歲半之後太陽主之若寒淫於內則凝肅慘慄民

病少腹控臍引腰脊上衝心痛血見噎痛額腫其法制以甘熱佐以苦辛以鹹瀉之以辛潤之以苦堅之歲運之化金不及紀曰從革是謂折收收氣迺後生氣迺揚長化合德火政乃宣庶類以蕃其氣揚其用躁切其動鏗禁督厥其發咳喘其化兼所不勝其病噎咳衄候其氣者夏有光顯鬱蒸之令則冬有嚴凝整肅之應若夏有炎爍燔燎之變則秋有冰雹霜雪之復其青西其藏肺其病舍膺脅肩皆外在皮毛所謂歲金不及民病肩背

腎腫軌嚏血便注下收氣迺後復則寒雨暴至迺零冰
雹霜雪殺物陰厥且格陽返上行頭腦疼痛延及額頂
發熱口瘡甚則心痛初之氣自甲午年大寒日亥初至
是歲春分日酉初凡六十日八十七刻半主位太角木
客氣厥陰木中見金運木當其位地氣遷寒迺去春氣
正風迺來生布萬物以榮民氣條舒風濕相薄雨迺後
民病血溢經絡拘強關節不利身重筋痿宜調厥陰之
客以辛補之以酸瀉之以甘緩之歲穀宜稔間穀宜稻

雖有風化不能為邪二之氣自春分日酉正至小滿日未正凡六十日有奇主位少徵火客氣少陰火中見金運二火得位而勝金運大火正物承化民迺和其病溫厲盛行遠近咸若濕蒸相薄雨迺時降宜調少陰之客以鹹補之以甘瀉之以酸收之歲穀宜稬間穀宜豆雖有濕化不能為邪三之氣自小滿日申初至大暑日午初凡六十日有奇主位少徵火客氣太陰土中見金運火生土天政布濕氣降地氣騰雨迺時降寒迺隨之感於

寒濕民病身重胸腹滿肘腫宜治太陰之客以鹹補之以
苦瀉之以甘緩之歲穀宜齡間穀宜麻雖有濕邪不能
為害四之氣自大暑日午正至秋分日辰正凡六十日
有奇主位太宮土客氣少陽火中見金運火勝金畏火
臨源蒸化地氣騰天氣否隔寒風曉夜蒸熱相薄草木
凝煙濕化不流則白露陰布以成秋令民病腠理熱血
暴溢瘧心腹滿熱臚脹甚則肘腫宜治少陽之客以鹹
補之以甘瀉之以鹹熯之歲穀宜玄間穀宜豆雖有火

邪不能為害五之氣自秋分日己初至小雪日卯初凡六十日有奇主位少商金客氣陽明金中見金運氣與運同又得其位慘令已行寒露下霜迺早降草木黃落寒氣入體君子周密民病皮腠宜調陽明之客以酸補之以辛瀉之以苦泄之歲穀宜玄間穀宜黍雖有燥化不能為邪是氣也司氣以涼用涼無犯終之氣自小雪日卯正至大寒日丑正凡六十日有奇主位太羽水客氣太陽水中見金運金生水寒大舉濕大化霜迺積陰迺凝

水堅冰陽光不治感於寒則病人關節禁固腰膝痛寒濕持於氣交而為疾也宜調太陽之客以苦補之以醎瀉之以苦堅之以辛潤之歲穀宜玄間穀宜黍雖有寒化不能為邪歲氣之交濕勝則厥陰復之寒勝則太陰復之觀其氣至而致其治濕者燥之寒者熱之溫者清之其氣迺平治之大體也

丙申歲圖



少陽相火司天厥陰風木在泉中見太羽水運歲水太
過氣化運行先天相火在上左陽明右太陰故天氣
正而其政嚴厥陰在下左少陰右太陽故地氣擾而其
令撓風迺暴舉木偃沙飛炎火迺流陰行陽化雨迺時
應風熱參布雲物沸騰太陰橫流寒迺時至涼雨並起
火木同德上應熒惑歲星其穀丹蒼火化二寒化六風
化八所謂正化日也羽蟲靜毛蟲育是謂歲物宜保蟲
耗清毒不生是皆地氣所制民病寒熱瘧泄聾瞑嘔吐

上怫腫色變是歲陽為天氣陰為地氣天氣盈當於年前取火之化源水運在中制火而生木其邪迺微必抑其運水贊所不勝則暴過不生苛疾不起歲宜醎宜辛宜酸參之泄之潰之發之觀氣寒溫以調其過運異風熱宜少寒化食宜同法此其道也故曰其化上醎溫下辛溫所謂藥食宜也歲半之前少陽相火主之若火淫勝則溫氣流行金政不平民病頭痛發熱惡寒而瘧熱上皮膚痛色變黃赤傳而為水身面胗腫腸滿仰息泄

注赤白瘡瘍咳唾血煩心胸中熱甚則衄血病本于肺
診在手天府之脉其法平以鹹冷佐以苦甘以酸收之
以苦發之以鹹復之歲半之後厥陰風木主之若風淫
于內則地氣不明平野昧草迺早秀民病灑灑振寒善
呻數欠心痛支滿兩脅裏急飲食不下隔咽不通食則
嘔腹脹善噫得後與氣則快然如衰身體皆重其法治
以新涼佐以苦甘以甘緩之以辛散之歲運之化水運太
過紀曰流行是謂封藏寒司物化天地嚴凝藏政以布


長令不揚其化凜其氣堅其政謚其令流注其動漂泄
沃涌其德凝慘寒霧其變冰雪霜電其病脹其化兼其
所勝故曰歲水大過寒氣流行邪害心火民病身熱煩
心躁悸陰厥上下中寒譫妄心痛甚則腹大脰腫喘咳
寢汗出憎風診在手神門之脉其法治以鹹溫初之氣
自乙未年大寒日寅初至是歲春分日子初凡六十日
八十七刻半主位太角木客氣少陰火中見水運木生
火水運承之地氣遷風勝迺搖寒迺去候迺大溫草木

早榮寒來不殺溫病迺起其病氣怫於上血溢目赤欬
逆頭疼血傷脅滿膚腠中瘡宜治少陰之客以鹹補之
以甘瀉之以酸收之歲穀宜丹間穀宜豆二之氣自春
分日子正至小滿日戌正凡六十日有奇主位少徵火
客氣太陰土中見水運土勝水火反鬱白埃四起雲趨
雨府風不勝濕雨迺零民迺康其病熱鬱於上咳嘔吐
瘡發於中胸噎不利頭痛身熱昏憤膿瘡宜治太陰之
客以甘補之以苦瀉之以甘緩之歲穀宜丹間穀宜麻

三之氣自小滿日亥初至大暑日酉初凡六十日有奇主位少徵火客氣少陽火中見水運火居其位水承之天政布炎暑至民病熱中聾瞶宜調少陽之客以甘瀉之以鹹熯之歲穀宜丹間穀宜豆四之氣自大暑日酉正至秋分日未正凡六十日有奇主位太宮土客氣陽明金中見水運土生金涼迺至白露降民病身重宜治少陽之客以酸補之以苦泄之歲穀宜蒼間穀宜黍五之氣自秋分日申初至小雪日午初凡六十日有奇主位少商金客氣太陽水中見水運水金相

和時令至此陽迺去寒迺來民病寒邪君子周密宜治太陽
之客以鹹瀉之以苦堅之以辛潤之歲穀宜蒼間穀宜稷終
之氣自小雪日午正至大寒日辰正凡六十日有奇主位太
羽水客氣厥陰木中見水運水生木地氣正風迺至陽氣不
藏而欬宜治厥陰之客以辛補之以酸瀉之以甘緩之歲穀
宜蒼間穀宜稻此六氣之化也歲氣火木同德其氣專其化
淳勝氣自微而況聖人遇之和而不爭也

丁酉歲圖



陽明燥金司天少陰君火在泉中見少角木運歲不及
氣化運行後天燥化在上左藏化右明化故天氣急而
其政切苦化在下左柔化右蒼化故地氣明而其令暴
陽專其令火暑盛行物燥以堅淳風迺治風燥橫運流
於氣交多陽少陰雲趨雨府濕化迺敷燥極而澤清先
而勁毛蟲迺死熱後而暴介蟲迺殃金火合德上應太
白熒惑其穀白丹間穀命太徵之穀其耗白甲品羽清
化熱化勝復同所謂邪氣化日也燥化九風化三熱化

七所謂正化日也介蟲靜羽蟲育是謂歲物之宜介蟲
耗寒毒不生是皆地氣所制清熱之氣持於氣交民病
咳喘塞寒熱發暴振慄瘡悶金為天氣火為地氣火勝金
天氣虛當資化源以取金氣安其運木無使受邪食白
丹之穀以安其氣食間氣之穀以去其邪歲宜以醎以辛
以苦汗之清之散之運與熱同宜多天化此其道也若
化上苦小溫中辛和下醎寒所謂藥食宜也歲半之前
陽明主之若燥淫所勝則木迺晚榮草迺晚生筋骨內

變民病左胠脇痛寒清於中感而瘧大涼草候欬腹中
鳴注泄驚澹名木斂生苑於下草焦上首心脇暴痛不
可反側噤乾面塵腰痛目昧背瘍瘡瘕癰病本於肝診
在足太衝脉法宜平以苦溫佐以酸辛以苦下之歲半之
後少陰主之若熱淫于內則熅浮川澤陰處反明民病
腹中常鳴氣上衝胸喘不能久立寒熱皮膚痛目瞑齒
痛頰腫惡寒發熱如瘧少腹中痛腹大法宜治以鹹寒佐以甘苦
以酸收之以苦發之歲運之化木不及紀曰委和是謂勝生生

氣不改化氣迺揚長氣自平收今迺早涼雨時降風雲
並興草木晚榮蒼乾凋落物秀而實膚肉內充其氣斂
其用聚其動綆戾拘緩其發驚駭其化無所不勝春有
鳴條和暢之化則秋有霧露清涼之政春有慘悽殘賊
之勝則夏有炎暑燔爍之復其青東其藏肝其病內舍
肱脇外在關節上臨陽明上商與正商同其病支發癰
腫瘡瘍其甘蟲邪傷肝也初之氣自丙申年大寒日己
初至是歲春分日卯初六十日八十七刻半主位少角木

客氣太陰土中見木運風濕相遇以行春令地氣遷陰
始凝氣始肅水迺冰寒雨化民病中熱脹面目浮腫善
眠軌衄噎欠嘔小便黃赤甚則淋宜調太陰之客以甘
補之以苦瀉之以甘緩之歲穀宜白間穀宜麻雖有濕
化不能為邪二之氣自春分日卯正至小滿日丑正凡
六十日有奇主位太徵火客氣少陽火中見木運二火
相加木運相和陽迺布民迺舒物迺生榮厲大至民善
暴死宜治少陽之客以鹹補之以甘瀉之以鹹與之歲穀

宜白間穀宜豆雖有熱邪不能為害三之氣自小滿日寅初至大暑日子初凡六十日有奇主位太徵火客氣陽明金中見木運金勝木天政布涼迺行燥熱交合民病寒熱宜治陽明之客以酸補之以苦泄之歲穀宜白間穀宜黍雖有燥邪不能為害四之氣自大暑日子正至秋分日戌正凡六十日有奇主位少宮土客氣太陽水中見木運寒雨降民病暴仆振慄譫妄少氣噎乾引飲反為心痛瘧寒之疾宜治太陽之客以苦補之以鹹瀉之以辛潤之歲穀宜丹間穀宜稷雖有寒邪不能為害五之氣自秋分日亥初至

小雪日酉初凡六十日有奇主位太商金客氣厥陰木中見水運
氣與運同司氣為蒼化春令反行民氣和宜調厥陰之客以辛補
之以酸瀉之歲穀宜丹間穀宜稻雖有風化不能為邪終之氣自
小雪日酉正至大寒日未正凡六十日有奇主位少羽水客氣
少陰火中見水運水生木木生火其化順陽氣布候反溫流水
不冰其病溫宜治少陽之客以甘瀉之以酸收之歲穀宜丹間
穀宜豆雖有熱邪不能為害歲氣之交天氣勝者少陽復之地
氣勝者太陽復之其治各以勝復法

戊戌歲圖



太陽寒水司天太陰濕土在泉中見太徵火運歲火太
過氣化運行先天寒化在上左動化右清化故天政所
布其風肅甘化在下左丹化右灼化故地氣靜而其令
徐寒臨太虛其政大舉陽氣不令澤無陽燄則火發待
時少陽中治時雨迺止極雨散還於太陰雲朝北極
濕化迺布澤流萬物寒敷于上雷動于下寒化一熱化
七濕化五所謂化日也鱗蟲靜保蟲育是謂歲物所宜
鱗蟲不成燥毒不生是皆地氣所制寒濕之氣持於氣

交水土合德上應辰星鎮星其穀玄齡民病寒濕發肌
肉萎足痿不收濡瀉血溢蓋水為天氣土為地氣土勝
水天氣虛先資化源以助水化抑其運水扶其不勝無
使暴過而生其疾食玄齡之穀以全其真避虛邪之氣
以安其政歲宜以苦燥之溫之適氣同異多少制之運
與寒濕異宜以燥濕化其化上苦溫中甘和下甘溫所
謂藥食宜也歲半之前天氣主之其化太陽寒水若寒
淫所勝則寒氣反至水且冰血變于中發為癰瘍民病

厥心痛嘔血血泄飢飢善悲時眩仆運火炎烈雨暴迺
電胸腹滿手熱肘攣腋腫心澹澹大動胸脇胃脘不安面
赤目黃善噫噓乾甚則色炁渴而欲飲病本于心診在
手神門之脉其法平以辛熱佐以甘苦以鹹瀉之歲半
之後地氣主之其化太陰濕土若濕淫于內則埃昏巖
谷黃反見黑至陰之交民病飲積心疼耳聾渾渾淳淳
噓腫喉痺陰病血見少腹痛腫不得小便病衝頭疼目
似脫項似拔腰似折髀不可以曲脰如結胸如別其法


治以苦熱佐以酸淡以苦燥之以淡泄之歲運之火紀
曰赫曦是謂蕃茂陰氣內化陽氣外榮炎暑施化物得
以昌其化長其氣高其政動其令明顯其動炎灼妄擾
其德暄暑鬱蒸其變炎烈沸騰其化蕪其所勝其病笑
瘡瘡瘍血流狂妄目赤上見太水抑運火是謂上羽與
正德同其收齊其病痊其治宜以甘和初之氣自丁酉
年大寒日申初至是歲春分日午初凡六十日八十七
刻半主位少角木客氣少陽火中見火運氣與運同地

氣遷氣迺大溫草迺早榮民迺厲溫病迺作身熱頭疼
嘔吐肌腠瘡瘍宜調少陽之客以鹹補之以甘瀉之以鹹
與之歲穀宜玄間穀宜豆則火不為邪是氣也無犯司氣之熱二
之氣自春分日午正至小滿日辰正凡六十日有奇主
位太徵火客氣陽明金中見火運歲運得位陽明客之
燥熱相遇大涼反至民迺慘草迺遇寒火氣遂抑民病
氣鬱中滿寒迺始宜調陽明之客以鹹補之以辛瀉之
以苦泄之歲穀宜玄間穀宜黍則燥不為邪三之氣自

小滿日已初至大暑日卯初凡六十日有奇主位太徵
火客氣太陽水中見火運當其位天政布寒氣行民病寒
反熱中癰疽注下心熱瞤悶不治者死宜治太陽之客
以苦補之以鹹瀉之以苦堅之以辛潤之歲穀宜玄間
穀宜稷則寒不為邪四之氣大暑日卯正至秋分日丑
正凡六十日有奇主位少宮土客氣厥陰木中見火運
土木相刑風濕交爭風化為雨迺化迺成民病大熱少
氣肌肉萎足痿注下赤白宜治厥陰之客以辛補之以

酸瀉之以甘緩之歲穀宜斡間穀宜稻則風不為邪五之氣
自秋分日寅初至小雪日子初凡六十日有奇主位太商金
客氣少陰火中見火運氣與運同不司氣化時令至此陽復
化宜調少陰之客以鹹補之以酸收之歲穀宜斡間穀宜豆
則熱不為邪終之氣自小雪日子正至大寒日戌正凡六十
日有奇主位少羽水客氣太陰土中見火運地氣正濕陰凝
太虛宜治太陰之客以甘補之以苦瀉之歲穀宜斡間穀宜
麻則濕不為邪六氣之化也有勝氣必有復氣治宜以勝復之法

己亥歲圖



厥陰風木司天少陽相火在泉中見少宮土運歲土不
及氣化運行後天風化為天氣灼化左藏化右故天氣
擾而其政撓苦化為地氣清化左齡化右故地氣正而
其令速風生高遠炎熱從之雲趨雨府濕化迺行風火同
德上應歲星熒惑其穀蒼丹間穀言太商者其耗文角
品羽風化清化勝復同所謂邪氣化日也風化三濕化
五火化七所謂正化日也毛蟲靜羽蟲育是謂歲物之
宜介蟲耗寒毒不生是皆地氣所制風燥火熱勝復更

作熱病行於下風病行于上風燥勝復形於中陰在上陽在下天氣虛當資化源以助木氣歲土不及上角與正角同其邪迺微必贊其運氣無使邪勝歲宜以辛調上以醎調下畏火之氣無妄犯之故曰其化上辛涼中甘和下醎寒藥食宜也歲半之前厥陰風木主之若風淫所勝則太虛埃昏雲物以擾寒生春氣流水不冰民病胃脘當心而痛上肢兩脇隔咽不通飲食不下舌本強食則嘔冷泄腹脹澹泄痼水閉蟄蟲不去病本於脾

診在足衝陽之脉法宜平以辛涼佐以苦甘以甘緩之
以酸瀉之歲半之後少陽相火主之若火淫於內則焰
明郊野寒熱更至民病注泄赤白少腹痛溺赤甚則血
便法宜治以鹹冷佐以苦辛以酸收之以苦發之歲運
之化紀曰卑監是謂減化化氣不令生政獨彰長氣整
雨迺愆收氣平風寒並興草木榮美秀而不實成而粃
也其氣散其用靜定其動腸瀉分潰癰腫其發濡滯其
化兼所不勝風化盛行四維有埃雲潤澤之化則春有


鳴條鼓折之政四維發振拉飄騰之變則秋有肅殺霖
靈之復其青四維其藏脾其病內舍心腹外在肌肉四
肢上臨厥陰氣同正角民病飧泄邪傷脾也法宜治以
甘和初之氣自戊戌年大寒日亥初至是歲春分日酉
初凡六十日八十七刻半主位少角木客氣陽明金中
見土運土生金清化行寒始肅殺氣方至民病寒於右
之下宜治陽明之客以酸補之以辛瀉之以苦泄之歲
穀宜蒼間穀宜黍制其燥邪弗能為害二之氣自春分

日酉正至小滿日未正凡六十日有奇主位少徵火客
氣太陽水中見土運濕寒合氣以行舒榮之化寒不去
華雪水冰殺氣施化霜迺降谷草上焦寒雨數正陽復
化民病熱於中宜治太陽之客以苦補之以鹹瀉之以
苦堅之以辛潤之歲穀宜蒼間穀宜稷治其寒邪不能
為害三之氣自小滿日申初至大暑日午初凡六十日
有奇主位太徵火客氣厥陰木中見土運木勝土天政
布風迺時舉民病泣出耳鳴掉眩宜治厥陰之客以辛

補之以酸瀉之以苦緩之歲穀宜蒼間穀宜稻制其風
邪莫能為害四之氣自大暑日午正至秋分日辰正凡
六十日有奇主位少宮土客氣少陰火中見土運土居
其位少陰居之潺暑至濕熱相薄爭於左之上民病黃
痺而為肘腫宜治少陰之客以鹹補之以甘瀉之以酸
收之歲穀宜丹間穀宜豆制其邪熱莫能為害五之氣
自秋分日巳初至小雪日卯初凡六十日有奇主位太
商金客氣太陰土中見土運氣與運同燥熱更勝沉陰

迺布寒氣及體風雨迺行宜治太陽之客以甘補之以苦瀉
之以甘緩之歲穀宜丹間穀宜麻治其邪濕莫能為害是氣
也無犯司氣終之氣自小雪日酉正至大寒日未正凡六十
日有奇主位太羽水客氣少陽火中見火運火土相得畏火
司令陽迺大化蟄蟲出見流水不冰地氣大發草迺生人迺
舒其病溫厲宜治少陽之客以酸補之以甘瀉之以鹹奠之
歲穀宜丹間穀宜豆制其火邪莫能為害歲氣大法風勝則
有陽明之復火勝則有太陽之復觀其所至各以其法治之

庚子歲圖



少陰君火司天陽明燥金在泉中見太商金運歲金太過
氣化運行先天堅成之紀曰上徵與正商同經又曰太
商下加陽明太過而加同天符天符為執法是謂平氣
之化命曰審平之紀收而不爭殺而無犯五化宣明其
氣潔其性剛其用散落其化堅斂其政勁肅其候清切
其令燥其類金其應秋其穀稻其果桃其實穀其蟲介
其畜雞其物外堅其色白其味辛其音商其數九其在
人也在藏為肺在竅為鼻在體為皮毛在病為咳此歲

運所主也天地之氣熱化在上左柔化右動化故天政所布其氣明辛化在下左藏化右明化故地氣肅而其令切二歲交司之氣寒交暑天地相應之氣熱加燥雲馳雨府濕化迺行時雨迺降金火合德上應熒惑太白其穀丹白熱化七清化九燥化九所謂正化之日羽蟲靜介蟲育是謂歲物所宜也毛蟲耗濕毒不生是謂地氣所制水火寒熱時氣交而為病始熱病生於上清病生於下寒熱相犯而爭於中民病欬喘血溢血泄鼽嚏

目赤皆瘍寒厥入胃心痛腰痛腹大噎乾腫上歲半之
前少陰君火以司天氣少陰之化有本標之異寒熱得
中其氣迺和而無熱淫之勝歲半之後陽明燥金以司
地氣陽明不從標本以中氣為化燥熱相兼其化迺平而
無燥淫之勝是歲平金無勝復不取化源惟資歲勝折
其鬱氣無所暴過而生其病歲宜以鹹寒調其上以酸
溫安其下以辛溫調其中食丹白之穀以全真氣食間
氣之穀以辟虛邪運同地氣宜多溫熱化司氣以涼用

涼遠涼此其道也初之氣自己亥年大寒日寅初至是
歲春分日子初凡六十日八十七刻半主位少角木容
氣太陽水中見金運風寒燥三氣同奉少陰之政以行
春令地氣遷燥將去寒迺始蟄復藏水迺冰霜復降風
迺至陽氣鬱民反周密關節禁固腰膝痛炎暑將起中
外瘡瘍宜治太陽之客以苦補之以鹹瀉之以苦堅之
以辛潤之歲穀用丹間穀用稷迺無寒邪之害二之氣
自春分日子正至小滿日戌正凡六十日有奇主位太

徵火客氣厥陰木中見金運風火燥三氣同奉少陰之
政以行舒榮之化木火相得陽氣布風迺行春氣以正
萬物應榮寒氣時至民迺和其病淋目瞑目赤氣鬱於
上而熱宜治厥陰之客以辛補之以酸瀉之以甘緩之
歲穀宜丹間穀宜稻迺無風邪之害三之氣自小滿日
亥初至大暑日酉初凡六十日有奇主位太徵火客氣
少陰火中見金運二火勝運又為天政所布故大火行
庶類蕃鮮寒氣時至民病氣厥心痛寒熱更作咳喘目赤宜

治少陽之客以鹹補之以甘瀉之以酸收之歲穀宜丹間穀宜
豆迺無熱邪之害四之氣自大暑日酉正至秋分日未正凡六十
日有奇主位少宮土客氣太陰土中見金運土得其位以生運金
二氣相得以行陽明之令溽暑至大雨時行寒熱反至民病寒熱
嗌乾黃痺飢飢飲發宜治太陽之客以甘補之以苦瀉之以甘緩
之歲穀宜白間穀宜麻迺無邪濕之害五之氣自秋分日申初
至小雪日午初凡六十日有奇主位太商金客氣少陽火中見
金運氣金雖得位客氣少陽用事清化迺抑畏火臨暑反至陽

迺化萬物迺生迺長迺榮民迺康其病溫宜治少陽之客以鹹
補之以甘瀉之以鹹更之歲穀宜白間穀宜豆迺無火邪之害
終之氣自小雪日丑正至大寒日辰正凡六十日有奇主位少
羽水客氣陽明金中見水運金氣相符水氣生之又為歲之司
氣金之氣迺平故燥令行餘火內格民病腫於上咳嗽甚則血
溢寒氣數舉則霧露翳病生皮腠內舍於脇下連小腹而作寒
中宜調陽明之客以酸補之以辛瀉之以苦泄之歲穀宜白間
穀宜黍迺無燥邪之害是氣也司氣以涼用涼無犯是謂至治

太陰濕土司天太陽寒水在泉中見少羽水運歲不及
氣化運行後天涸流之紀曰上宮與正宮同是歲天氣
平又少羽下加之太陽不及而加同歲會凡歲會為行
令此運化宜平也諸同正歲氣化運行同天歲運既平
命曰靜順之紀藏而勿害治而善下五化咸整其氣明
其性下其用沃衍其化凝堅其政流演其候凝肅其令
寒其類水其應冬其穀豆其果栗其實濡其蟲鱗其畜
氣其色黑其味醢其音羽其數六其在人也其藏為腎

其主二陰其養骨髓其病厥歲運之化也天地之氣濕化在上明化左灼化右故地氣上騰而其政肅鹹化在下動化左清化右故天氣下降而其令寂陰專其政陽氣退辟大風時起原野昏霧白埃四起雲奔南極寒雨數至物成於差夏濕寒合德黃黑埃昏流行氣交上應鎮星辰星其穀齡玄故陰凝於上寒積於下寒水勝火則為水電陽光不治殺氣迺行民病寒濕腹滿身臍憤肘腫痞逆寒厥拘急故有餘宜高不及宜下有餘宜晚

不及宜早土之利氣之化也民氣亦從之間穀命太徵
太角之穀歲氣既平不取化源唯折其水鬱之氣無使
邪勝食齡玄之穀以全其真食間氣之穀以保其精歲
宜以苦溫調上以苦熱調下以苦和調中燥之溫之歲
半之前天氣太陰主之太陰所致為雲雨其化從本當
其時多行雨濕化者太陰之政也歲半之後地氣太陽
主之太陽所至為寒霧其化從本從標當其時寒氣至而
熱氣應者地氣之平也初之氣自庚子歲大寒日已初

至是年春分日卯初凡六十日八十七刻半主位少角木
客氣厥陰木中見水運木當其位水運統之奉太陰之
政布行春令地氣遷寒迺去春氣至風迺來生布萬物以榮
民氣條舒風濕相薄雨迺後民病血溢筋絡拘強關節不
利身重筋痿宜治厥陰之客以辛補之以酸瀉之以甘
緩之歲穀宜齡間穀宜稻迺無客風之害二之氣自春
分日卯正至小滿日丑正凡六十日有奇主位太徵火
客氣少陰火中見水運火當其位陰精承之寒熱二氣

奉太陰之政以行舒榮之化大火正物承化民迺和其
病溫厲勝行遠近咸若濕蒸相薄雨迺時降宜治少陰
之客以鹹補之以甘瀉之以酸收之歲穀用齡間穀用
豆迺無客熱之害三之氣自小滿日寅初至大暑日子
初凡六十日有奇主位太徵火客氣太陰土中見水運
天政布濕氣降地氣騰雨迺時降寒迺隨之感於寒
濕民病身重肘腫胸腹滿宜治太陰之客以甘補之以
苦瀉之以甘緩之歲穀用齡間穀用麻迺無濕邪之害


四之氣自大暑日子正至秋分日戌正凡六十日有奇主位少宮土客氣少陽火中見水運火土相得奉太陽之令畏火臨溽蒸化地氣騰天氣否隔寒風曉暮蒸熱相薄草木凝烟濕化不流則白露陰布以成秋令民病腠理熱血暴溢瘡心腹滿熱臚脹甚則肘腫宜治少陽之客以酸補之以甘瀉之以鹹瀉之歲穀用玄間穀用豆迺無邪熱之害五之氣

自秋分日亥初至小雪日酉初凡六十日有
奇主位少商金客氣陽明金中見水運金當
其位與水運相得慘令已行寒露下霜迺早
降草木黃落寒氣及體君子周密民病皮腠
宜治陽明之客以酸補之以辛瀉之以苦泄
之歲穀用玄間穀用黍迺無客邪之害終之
氣自小雪日酉正至大寒日未正凡六十日
有奇主位少羽水客氣太陽水中見水運氣

運符會寒大舉濕大化霜迺積陰迺凝水堅
冰陽光不治感於寒則病人關節禁固腰脛
痛寒濕持於氣交為疾也宜治太陽之客以
苦補之以鹹瀉之以苦堅之以辛潤之歲穀
用玄間穀用稷迺無客寒之害是歲行平氣
之化歲會為行令無淫氣勝復唯行德化政
令然土為天氣水為地氣水土雖睦而運化
不及濕土在上木氣行之或有濕邪其氣亦

微內經所謂中行令者其病徐而持也

壬寅歲圖



少陽相火司天厥陰風木在泉中見太角木運歲木太
過氣化運行先天太角下加厥陰太過氣而加同天符
為執法平木之化也命曰敷和之紀木德周行陽舒陰
布五化宣平其氣端其性隨其用直其化生榮其政發
散其候溫和其類草木其物中堅其令風其應春其穀
麻其果李其實核其蟲毛其畜犬其色蒼其味酸其音角
其數八其在人也其藏肝其主目其養筋其病裏急肢滿此
歲運所主也天地之氣火化在上左清化右柔化故天

氣政而其政嚴酸化在下左灼化右藏化故地氣擾而
其令撓風迺暴舉木偃沙飛炎火迺流陰行陽化雨迺
時應火木同德上應熒惑歲星其穀丹蒼風熱參布雲
物沸騰太陰橫流寒迺時至涼雨並起民病寒中外發
瘡瘍內為泄滿聖人遇之和而不爭往復之作民病寒
熱瘧泄聾瞑嘔吐上怫腫色變歲半之前天氣少陽主
之少陽所至為炎暑其化從本當其時化火化盛行風
氣應之候迺和歲半之後地氣厥陰主之厥陰所至為風

府其化不從標本而以中氣為化當其時風從火化者厥陰之中也是歲運化既平不取化源惟贅所不勝則暴過不生苛疾不起歲宜以醎寒調上以辛涼調下以酸和調中滲之泄之漬之發之運同風熱宜多寒化司氣以溫用溫遠溫治之常也初之氣自辛丑年大寒日申初至是歲春分日午初凡六十日八十七刻半主位太角木客氣少陰火中見木運木火相得運當其位以奉少陽之政而行春令地氣遷風勝迺搖寒迺去候

迺大溫草木早榮寒來不殺溫病迺起其病氣怫於上
血溢目赤欬逆頭痛血崩脇滿膚腠中瘡宜治少陽之
客以鹹補之以甘瀉之以酸收之歲穀宜丹間穀宜豆
則熱不為邪二之氣自春分日午正至小滿日辰正凡
六十日有奇主位少徵火客氣太陰土中見木運風濕
之氣奉畏火之政以行舒榮之化火反鬱白埃四起雲
趨雨府風不勝濕雨迺零民迺康其病熱鬱於上欬逆
嘔吐瘡發于中胸噎不利頭疼身熱昏憤膿瘡宜治太陰之

客以甘補之以苦泄之以甘緩之歲穀宜蒼間穀宜麻則熱不為邪三之氣自小滿日巳初至大暑日卯初凡六十日有奇主位少徵火客氣少陽火中見木運火當其位與木運之氣相得天政布炎暑至少陽臨上雨迺涯民病熱中聾瞑血溢膿瘡咳𩑦衄渴嚏欠喉痺目赤善暴死宜治少陽之客以鹹補之以甘瀉之以鹹熈之歲穀宜丹間穀宜豆則火不為邪是歲木氣適平民自無暴死四之氣自大暑日卯正至秋分日丑正凡六十日有奇主

位太宮土客氣陽明金中見木運風燥之氣下應在泉
厥陰之令而為天地交司秋氣早行涼乃至炎暑間化
白露降民氣和平其病滿身重宜治陽明之客當以酸
補之以辛瀉之以苦泄之歲穀宜蒼間穀宜黍則燥不
為邪五之氣自秋分日寅初至小雪日子初凡六十日
有奇主位少商金客氣太陽寒水中見木運水木相和
與金相得當此一氣寒化早至陽迺去寒迺來雨迺降
氣門迺閉剛木早凋民病寒邪君子周密宜治太陽之

客以辛補之以辛瀉之以苦堅之以辛潤之歲穀宜蒼間穀宜稷則
寒不為邪終之氣自小雪日子正至大寒日戌正凡六十日有奇主
位少羽水客氣厥陰木中見木運太角下加厥陰之時運與氣符其
化和平又居水位水不相得其化迺順地氣正風迺至萬物反生霜
霧以行其病關閉不禁心痛陽氣不藏而咳氣平之時不應有疾或
有疾者氣有初承不能無侮所謂邪中執法也經曰中執法者其病
速而危宜治厥陰之客以辛補之以酸瀉之以甘緩之歲穀宜蒼間
穀宜稷則風不為邪此一氣司氣以溫用溫無犯

癸卯歲圖



陽明燥金司天少陰君火在泉中見少徵火不及氣運
歲不及氣化運行後天伏明之紀曰上商同言天氣平
也六元正紀曰少徵下加少陰不及而加同歲會言歲
運平也諸同正歲氣化運行同天上見天氣平下見運
火平火氣之平也命曰升明之紀正陽而治德施周普
五化均衡其氣高其性速其用燔灼其化蕃茂其政明曜
其候炎暑其類火其應夏其穀麥其果杏其實絡其蟲
羽其畜馬其色赤其味苦其物脉其音徵其數七其在

人也其藏心其主舌其養血其病癰瘕此歲運所主也
天地之氣燥化在上左藏化右丹化故天氣急而其政
切苦化在下左濕化右動化故地氣明而其令暴陽專其令
炎暑盛行物燥以堅淳風迺治風燥橫運流於氣交多
陽少陰雲趨雨府濕化迺敷燥極而澤其穀白丹間穀
命太者其耗白甲品羽金火合德上應太白熒惑清熱
之氣持於氣交民病欬喘塞寒熱發暴振慄瘖悶清先
而勁毛蟲迺死熱後而暴介蟲迺殃民歲運熱寒雨寒


化雨化勝復同所謂邪氣化日也燥化四熱化二所謂正
化日也歲半之前天氣陽明主之陽明以中氣為化當其時
燥濕相半者陽明得中也歲半之後地氣少陰主之少陰
有本標之化當其時寒熱得中者少陰之氣和也歲火適
平不資化源惟安運氣無使受邪歲宜以若小溫調上以
鹹寒調下以鹹溫調中食白丹之穀以安其氣食間氣之
穀以去其邪運同熱氣宜多天化治之常也初之氣自壬
寅年大寒日亥初至是歲春分日酉初凡六十日八十七

刻半主位太角木客氣太陰土中見火運奉陽明之政而
行春令地氣遷陰始凝氣始肅水迺冰寒雨化其病中熱
脹面目浮腫善眠軌衄嚏欠嘔小便黃赤甚則淋宜治太
陰之客以甘補之以辛瀉之以甘緩之歲穀宜白間穀
宜麻迺血濕邪之害二之氣自春分日酉正至小滿日
未正凡六十日有奇主位少徵火客氣少陽火中見
火運三火相符以行舒榮之化陽迺布民迺舒物迺生
榮厲大至民善暴死是歲火氣適平民無暴死宜治少

陽之客以醎補之以甘瀉之以醎要之歲穀用白間穀
用豆迺無火邪之害是氣也司氣以熱用熱無犯三之
氣自小滿日申初至大暑日午初凡六十日有奇主位
少徵火客氣陽明金中見火運金居火位天政布涼迺
行燥熱交合燥極而澤民病寒熱宜治陽明之客以酸
補之以辛瀉之以苦泄之歲穀用白間穀用黍迺無燥
邪之害四之氣自大暑日午正至秋分日辰正凡六十
日有奇主位太宮土客氣太陽水中見火運寒濕之氣

下奉少陰之令寒雨降民病暴仆振慄譖妄少氣噤乾引
飲及為心痛癰腫瘡瘍瘧寒之疾骨痠血便宜治太陽
之客以苦補之以鹹瀉之以苦堅之以辛潤之歲穀用
丹間穀用稷迺無寒邪之害五之氣自秋分日已初至
小雪日卯初凡六十日有奇主位少商金客氣厥陰木
中見火運春令反行草迺生榮民氣和宜調厥陰之客
以辛補之以酸瀉之以甘緩之歲穀用白間穀用稷迺
無風邪之害終之氣自小雪日卯正至大寒日丑正凡

六十日有奇主位太羽水客氣少陰火中見火運運火
氣符會陽氣布候反溫蟄蟲乃見流水不冰民迺康平
其病溫宜治少陰之客以鹹補之以甘瀉之以酸收之
歲穀用丹間穀用豆迺無熱邪之害是歲運氣適平若
有邪氣則中行令其病徐而持也



普濟方卷十

欽定四庫全書

子部
普濟方卷十一

詳校官太醫院恩糧臣袁天錫

編修臣倉聖脈覆勘

總校官原任中允臣王燕緒

校對官中書臣牛稔文

謄錄監生臣王宜


欽定四庫全書

普濟方卷十一

明周王朱橚撰

運氣圖

甲辰歲圖



太陽寒水司天太陰濕土在泉中見太宮土運歲土太
過氣化運行先天太宮下加太陰太過而加同天符又
土運臨辰是謂歲會氣之平也平土之歲命曰備化之
紀氣協天休德流四政五化齊修其氣平其性順其用
高下其化豐滿其政安靜其候溽蒸其令濕其類土其
應長夏其穀稷其果棗其實肉其蟲裸其畜牛其物膚
其色黃其味甘其音宮其數五其也在人也其藏脾其主
口其養肉其病痞此運歲所生也天地之氣寒化在上

左動化右清化故天政所布其氣肅甘化在下左明化
右灼化故地氣靜而其令徐水土合德上應辰星鎮星
其穀玄齡寒臨太虛其政大舉陽氣不令澤無陽缺則
火發待時少陽中治時雨迺涯止極雨散還於太陰雲
朝北極濕化迺布澤流萬物寒敷于上雷動于下寒濕
之氣交民病寒濕發肌肉萎足痿不收濡瀉血溢歲半之
前太陽主之太陽有本標之化寒政大舉熱氣時應者
天氣得中也歲半之後太陰主之太陰之化從本雨濕

甚者地氣之應也寒化六濕化五是謂正化之日鱗蟲靜俟蟲育是謂歲物所宜鱗蟲不成燥毒不生是謂地氣所制平土之歲本不資化源以運與地氣臨於戌歲有三土天令甚虛宜先資化源以助於水所謂抑其運氣扶其不勝無使暴過而生其疾也食玄齡之穀以全其真避歲之虛邪以安其政以苦熱調上以苦溫調下運土在中亦以苦溫調之運同寒濕化宜燥熱治之常也初之氣自癸卯年大寒日寅初至是歲春分日子初凡六十日八十七刻半主位太

角木客氣少陽火中見土運少陽中治以行春令地氣遷
氣大溫草迺早榮民迺厲溫病迺作身熱頭痛嘔吐肌腠
瘡瘍宜治少陽之客以鹹補之以甘瀉之以鹹熯之歲穀
宜玄間穀宜豆則火不為邪二之氣自春分日子正至小
滿日戌正凡六十日有奇主位少徵火客氣陽明金中見
土運金土相和大涼反至民迺慘草迺遇寒火氣遂抑民
病氣鬱中滿寒迺始宜治陽明之客以酸補之以辛瀉之
以苦泄之歲穀宜玄間穀宜黍則燥不為邪三之氣自小

滿日亥初至大暑日酉初凡六十日有奇主位少徵火
客氣太陽水中見土運天政布寒氣行雨迺降民病寒
反熱中癰疽注下心熱瞽悶不治者死宜治太陽之客
以苦補之以鹹瀉之以苦堅之以辛潤之歲穀宜玄間
穀宜稷則寒不為邪四之氣自大暑日酉正至秋分日
未正凡六十日有奇主位太宮土客氣厥陰木中見土
運歲土得位風氣居之風濕交爭風化為雨迺長迺榮迺成
民病大熱少氣肌肉萎足痿注下赤白宜治厥陰之客

以辛補之以酸瀉之以甘緩之歲穀宜齡間穀宜稻則
風不為邪五之氣自秋分日申初至小雪日午初凡六
十日有奇主位少商金客氣少陰火中見土運土能生
金氣位相和陽復化草迺長迺化迺成民迺舒宜調少
陰之客以醎補之以甘瀉之以酸收之歲穀宜齡間穀
宜豆則熱不為邪終之氣自小雪日午正至大寒日
辰正凡六十日有奇主位太羽水客氣太陰土中見土
運氣與運符地氣正濕令行陰凝太虛埃昏郊野民迺

悽慘寒風以至反者孕迺死宜治太陰之客以甘補之
以苦瀉之以甘緩之歲穀宜齡間穀宜麻則濕不為邪
是氣也不可犯涼司氣以涼故也歲氣雖平或有邪氣
則中執法經曰中執法者其病速而危也

厥陰風木司天少陽相火在泉中見少商金運歲金不
及氣化運行後天上角與正角同諸同正歲氣化運行
同天氣風化行於上左灼化右藏化故天氣擾而其政撓苦
化司於地左素化右柔化故地氣正而其令速風生高
遠炎熱從之雲趨雨府濕化迺行風火同德上應歲星
熒惑其穀蒼丹間穀言太宮太羽者其耗文角品羽風
燥火熱勝復更作蟄蟲來見流水不冰熱病行於下風
病行於上風燥勝復形於中熱化寒化勝復同所謂邪

氣化日也風化八清化四火化二所謂正化度也毛蟲
靜羽蟲育是迺歲物所宜介蟲毛寒毒不生是迺地氣
所制然木為天氣火為地氣金運在中地氣勝運運化
勝天天氣虛地氣實宜資化源以助木氣兼贊歲運无
使邪勝其化上辛涼中酸和下鹹寒所謂藥食宜也歲
半之前天氣厥陰主之厥陰以中氣為化當其時風從
火化者天氣之和也若風淫所勝則太虛埃昏雲物以
擾寒生春氣流水不冰民病胃脘當心而痛上肢兩脇

膈咽不通飲食不下舌本強食則嘔冷泄腹脹澹泄瘕
水閉病本於脾診在足衝陽之脉法宜平以辛涼佐以
苦甘以甘緩之以酸瀉之歲半之後地氣少陽主之少
陽之化從本若火淫于內則焰明郊野寒熱更至民病
注泄赤白少腹痛溺赤甚則血便法宜治以鹹冷佐以
苦辛以酸收之以苦瀉之歲運之化金不及紀曰從革
是謂折收收氣迺揚長化合德火政迺宣庶類以蕃其
氣揚其用燥切其動鏗禁瞽厥其發欬喘其病邪傷


肺其化兼所不勝夏有光顯鬱蒸之令則冬有嚴凝整肅之應若夏有炎爍燔燎之變則秋有冰電霜雪之復其青西其藏肺其病內舍膺脇肩背外在皮毛復則寒雨暴至迺零冰電雪霜殺物陰厥且格陽反上行頭腦戶痛延及額頂發熱甚則心痛宜治以酸和調中初之氣自甲辰年大寒日巳初至是歲春分日卯初凡六十日八十七刻主位太角木客氣陽明金中見金運氣與運同居於木位與厥陰交司而行春令金木氣齊

寒始肅殺氣方至民病寒於右之下宜治陽明之客以
酸補之以辛瀉之以苦泄之歲穀宜蒼間穀宜黍是氣
也司氣以涼用涼無犯二之氣自春分日郊正至小滿
日丑正凡六十日有奇主位少徵火客氣太陽水中見金運金水
相得寒不去華雪水冰殺氣施化霜迺降名草上焦寒
雨數至陽復化民病熱於中宜治太陽之客以苦補之
以鹹瀉之以苦堅之以辛潤之歲穀宜蒼間穀宜稷三
之氣自小滿日寅初至大寒日子初凡六十日有奇主

位少徵火客氣厥陰木中見金運火勝金金勝木天政
布風迺時舉民病泣出耳鳴掉眩宜治厥陰之客以辛
補之以酸瀉之以甘緩之歲穀宜蒼間穀宜稻四之氣
自大暑日子正至秋分日戌正凡六十日有奇主位太宮
土客氣少陰火中見金運火勝金溽暑至濕熱相薄爭
於左之上民病黃痺而爲肘腫宜治少陰之客以鹹補
之以甘瀉之以酸收之歲穀宜丹間穀宜豆五之氣自
秋分日亥初至小雪日酉初凡六十日有奇主位少商

金客氣太陰土中見金運歲運之金得位與土相和其化燥濕
更勝流陰迺布寒氣及體風雨迺行宜調太陰之客以甘補之
以苦瀉之以甘緩之歲穀宜丹間穀宜麻終之氣自小雪日酉
正至大寒日未正凡六十日有奇主位太羽水客氣少陽火中
見金運畏火司令陽迺大化蟄蟲出見流水不冰地氣大發草
迺生人迺舒其病溫厲宜治少陽之客以酸補之以甘瀉之以
鹹與之歲穀宜丹間穀宜豆六氣之常也歲之化天氣勝者陽
明復之地氣勝者太陽復之其治各以其勝復法

丙午歲圖



少陰君火司天陽明燥金在泉中見太羽水運歲水太過氣化運行先天熱化在上柔化左動化右辛化在下玄化左明化右故天政布而其氣明地氣肅而其令切寒交暑熱加燦雲馳雨府濕化迺行時雨迺降金火合德上應熒惑太白其穀丹白熱化二寒化六清化四政化度也羽蟲靜介蟲育是謂歲物之宜毛蟲耗濕毒不生是皆地氣所制水火寒熱時氣交而為病始熱病生於上清病生於下寒熱相犯而爭於中民

病欬喘血溢血泄嘔衄嚏欠目赤背瘍寒厥入胃心痛腰痛腹大噎乾腫上是歲火為天氣金為地氣火勝金天氣盈當取火之化源水運在中火邪迺微必抑其運木資其歲勝無使暴過而生其病食白丹之穀以全其氣食間氣之穀以辟虛邪以鹹栗之調其上甚則以苦發之以酸收之而安其下甚則以苦泄之運同地氣以溫熱化其化上鹹寒中鹹熱下溫酸藥食宜也歲半之前少陰主之其政熱若熱淫所勝則怫熱至

藏寒司物化天氣嚴凝藏政以布長令不揚其化凜其
堅其政謐其令流注其動漂泄沃涌其德凝慘寒雰其
變冰雪霜電其化兼其所勝其病脹故曰歲水太過寒
氣流行大雨至埃霧濛鬱邪害心火民病身熱煩心躁
悸陰厥上下中寒譫妄心痛寒氣早至甚則腹大脰腫
喘欬寢汗出憎風其政息以醎熱初之氣自己巳年大
寒日申初至是歲春分日午初凡六十日八十七刻半
位主太角木客氣太陽水中見水運氣與運同地氣遷

燥將去寒始遷熱復藏水迺冰霜復降風迺至陽氣鬱
民反周密關節禁固腰膝痛炎暑將起中外瘡瘍宜治
太陽之客以苦補之以鹹瀉之以苦堅之以辛潤之歲
穀宜丹間穀宜稷雖有寒邪勿能為害是氣也用寒遠
寒無犯司氣之寒二之氣自春分日午正至小滿日辰正
凡六十日有奇主位少徵火客氣厥陰木中見水運水生木陽氣
布風迺行春氣以正萬物應榮寒氣時至民迺和其病
淋目瞑目赤氣鬱於上而熱宜治厥陰之客以辛補之以

酸瀉之以甘緩之歲穀宜丹間穀宜稻雖有風邪弗能為
害三之氣自小滿日已初至大暑日卯初凡六十日有奇
主位少徵火客氣少陰火中見水運二火相加水運承
之天政布大火行庶類蕃鮮寒氣時至民病氣厥心痛
寒熱更作欬喘目赤宜治少陰之客以鹹補之以甘瀉
之以酸收之歲穀宜丹間穀宜豆雖有熱邪弗能為害
四之氣自大暑日卯正至秋分日丑正凡六十日有奇主
位太宮土客氣太陰土中見水運土居其位又能勝水

溽暑至大雨時行寒熱互至民病寒熱嗑乾黃痺飢飢
飲發宜調太陰之客以甘補之以苦瀉之以甘緩之歲
穀宜白丹間穀宜麻雖有濕邪弗能為害五之氣自秋
分日寅初至小雪日子初凡六十日有奇主位少商金
客氣少陽火中見水運火勝金水運承之畏火臨暑反
至陽迺化萬物迺生迺長迺榮民迺康其病溫宜治少陽
之客以鹹補之以甘瀉之以鹹熯之歲穀宜白間穀宜
豆雖有火邪弗能為害終之氣自小雪日子正至大寒

日戌正凡六十日有奇主位太羽水客氣陽明金中見
水運水運得位燥令行餘火內格腫於上欬喘甚則血
溢寒氣數舉則霧靄翳病生皮腠內舍於脇下連少腹
而作寒中地將易也宜調陽明之客以酸補之以辛
瀉之以苦泄之歲穀宜白間穀宜黍雖有燥邪弗能
為害此六氣之化也歲氣之交天氣之交天氣勝則
有太陽之復地氣勝則有少陽之復其治各依勝復
之法寒者熱之熱者寒之無翼其勝無贊其復此其

道也

丁未歲圖



太陰濕土司天太陽寒水在泉見少角木運歲木不及
氣化運行後天太陰濕化在上少陽明化為左間少陰灼
化為居氣太陽醎化在下厥陰動化為左間陽明清化
為右間故地氣上騰而其政肅天氣下降而其令寂陰
專其政陽氣退辟大風時起原野昏霧白埃四塞其穀蘗
玄故陰凝於上寒積於下寒水勝火則為水電陽光不
治殺迺行清化熱化勝復同邪氣化度也雲化五風化三
寒化一正化度也委和之紀曰上宮與正宮同諸同正歲化

運行同天此言天地之平也歲物所宜則鱗蟲育保蟲靜地氣所制則羽蟲耗熱毒不生故有餘宜高不及宜下有餘宜晚不及宜早土之利氣之化也民氣亦從之間穀命太徵太商者蓋土為天氣土勝水天氣盈宜取化源以平土氣益其歲氣無使邪勝食齡立之穀以全其真食間氣之穀以保其精以苦燥之溫之甚者發之泄之不發不泄則濕氣外溢肉潰皮拆而水血交流必贊其陽火令禦甚寒從氣之異少其判也歲半之前天氣太

陰主之太陰所至其令濕淫所勝則沉陰旦布陰雨癢
枯槁肘腫骨痛陰痺者按之不得腰脊頭項痛時眩大
便難陰氣不用饑不欲食欬唾則有血心如懸病本于
腎診在足太谿之脉法宜以苦燥之以淡泄之歲半以
後地氣太陽主之太陽所至其令寒淫于內則凝肅慘慄
民病少腹控臑引腰脊上衝心痛血見嗌痛頷腫法宜
治以甘熱佐以苦辛以鹹瀉之以辛潤之以苦堅之歲
木不及是謂勝生生氣不政化氣迺揚長氣自平收令

迺早涼雨時降風雲並興草木晚榮蒼乾凋落物秀而
實膚肉內充其氣斂其用聚其化兼所不勝春有鳴條
律暢之化則秋有霧露清凉之政春有慘悽殘賊之勝
則夏有炎暑燔爍之復其耑東其病內舍肱脇外在關
節復則炎暑流火民病寒熱瘡瘍痲疹癰瘰法宜
調以辛溫初之氣自丙午年大寒日亥初至是歲春分
日午初凡六十日八十七刻半主位少角木客氣厥陰
木中見木運歲木當其位地氣遷寒迺去春氣正風迺

來生布萬物以榮民氣條舒風濕相薄雨迺後民病血
溢筋絡拘強關節不利身重筋痿宜調厥陰之客以辛
補之以酸瀉之以甘緩之歲穀宜薺間穀宜稻則風不為邪是
氣也司氣以溫用溫無犯二之氣自春分日酉正至小滿
日未正凡六十日有奇主位太徵火客氣少陰當位大
火正物承化民迺和其病溫厲盛遠近咸若濕蒸相搏
雨迺時降宜調少陰之客以鹹補之以甘瀉之以酸收之歲
穀宜薺間穀宜豆則熱不為邪三之氣自小滿日申初至大

暑日午初凡六十日有奇主位太徵火客氣太陰土中
見木運木生火火生土其化順天政布濕氣降地氣騰
雨迺時降寒迺隨之感於寒濕則民病身重肘腫胸腹
滿宜治太陰之客以甘補之以苦瀉之以甘緩之歲穀
宜齡間穀宜麻雖有濕邪不能為害四之氣自大暑日
午正至秋分日辰正凡六十日有奇主位太宮土客氣
少陽火中見木運地氣交司畏火臨溽蒸化地氣騰天
氣否隔寒風曉暮蒸熱相薄草木凝煙濕化不流則白

露陰布以成秋令民病腠理熱血暴溢瘡心腹滿熱臚脹甚則肘腫宜治少陽之客以鹹補之以甘瀉之以鹹與之歲穀宜玄間穀宜豆雖有火邪不能為害五之氣自秋分日已初至小雪日卯初凡六十日有奇主位少商金客氣陽明金中見木運金氣得位慘令已行寒露下霜迺早降草木黃落寒氣及體君子周密民病皮腠宜治陽明之客以酸補之以辛瀉之以苦泄之歲穀宜玄間穀宜黍則燥不為邪終之氣自小雪日卯正至大寒日

丑正凡六十日有奇主位少羽水客氣太陽水中見木運水當其位寒大舉濕大化霜迺凝水堅冰陽光不洽感於寒則病人關節禁固腰脛痛寒濕持於氣交而為病也宜調太陽之客以苦補之以鹹瀉之以苦堅之以辛潤之歲穀宜玄間穀宜稷則寒不為邪此六氣之化也歲運之交天氣勝則有厥陰之復地氣勝則有太陰之復觀其氣至而治之無翼其勝無贊其復溫者清之

濕者燥之此其道也

戊申歲圖



少陽相火司天厥陰風木在泉中見太徵火運歲火太過
氣化運行先天太徵上臨少陽太過而同天化是謂天
符之氣平也火氣適平命曰升明之紀正陽而治德施
周普五化均衡其氣高其性速其用燔灼其化蕃茂其
政明曜其候炎暑其令熱其類火其應夏其穀麥其果
杏其實絡其蟲羽其畜馬其色赤其味苦其物脉其音
徵其數七其在人也其臟心其主舌其養血其病瞤瘈
此歲運之化也天地之氣火化在上左清化右柔化故

天氣正而其政嚴酸化在下左灼化右藏化故地氣擾而其令撓風迺暴舉木偃沙飛炎火迺流陰行陽化雨迺時應火木同德上應熒惑歲星其穀丹蒼清化九火化七風化三正化度也羽蟲靜毛蟲育歲物所宜也裸蟲耗濕毒不生地氣制之也歲半之前天氣主之其氣少陽相火其令暄者少陽之政也歲半之後地氣主之其氣厥陰風木其令風者厥陰之化也風熱參布雲物沸騰太陰橫流寒迺時至涼雨並起民病寒中外發

瘡瘍內為泄滿聖人遇之和而不爭往復之作民病寒
熱瘡泄聾瞑嘔吐上怫腫色變是歲陽為天氣陰為地
氣風火相值其氣專其化淳又遇火運統之運與天符
火化升明天氣盈先取化源抑其運火贊其金氣則暴
過不生苛疾不起歲宜醎宜辛宜酸滲之泄之瀆之
發之運同風熱宜多寒化其化上醎寒中甘和下
辛涼藥食宜也初之氣自丁未年大寒日寅初
至是年春分日子初凡六十日八十七刻半主位

少角木客氣少陰火中見火運氣與運同君火不司氣化
地氣遷風勝迺搖寒迺去候迺大溫草木早榮寒來不
殺溫病迺起其病氣怫于上血溢目赤欬逆頭痛脇滿
膚腠中瘡宜調少陰之客以鹹補之以苦瀉之以酸收
之歲穀宜丹間穀宜豆則熱不為邪二之氣自春分日
子正至小滿日戌正凡六十日有奇主位太徵火客氣
太陰土中見火運濕氣所客火反鬱白埃四起雲趨雨
府風不勝濕雨迺零民迺康其病熱鬱於上欬逆嘔吐

瘡發於中胸嗌不利頭痛身熱昏憤膿瘡宜調太陽之
客以甘補之以苦瀉之以甘緩之歲穀宜丹間穀宜
麻則濕不為邪三之氣自小滿日亥初至大暑日酉
初凡六十日有奇主位太徵火客氣少陽火中見火
運氣符於天而天政布炎暑至少陽臨上雨迺涯
民病熱中聾瞑血溢膿瘡欬嘔衄血渴嚏欠喉痺
目赤善暴死歲火既平其邪迺微宜調少陽之客
以鹹補之以酸瀉之歲穀宜丹間穀宜豆則火不

為邪是氣也用熱遠熱無犯司氣之熱四之氣自大暑日酉正至秋分日未正凡六十日有奇主位少宮土客氣陽明金中見火運土生金涼迺至炎暑間化白露降民氣和平其病滿身重宜調陽明之客以酸補之以辛瀉之以苦泄之歲穀宜蒼間穀宜稷則燥不為邪五之氣自秋分日申初至小雪日午初凡六十日有奇主位太商金客氣太陽水中見火運火勝金水制之陽迺去寒迺降氣門迺閉剛木早凋民病

寒邪君子周密宜調太陽之客以苦補之以鹹瀉之以苦
堅之以辛潤之歲穀宜蒼間穀宜稷則寒不為邪終之氣
自小雪日午正至大寒日辰正凡六十日有奇主位少羽
水客氣厥陰木中見火運水生木地氣正風迺至萬物反
生霧濤以行其病關閉不禁心痛陽氣不藏而欬宜治厥
陰之客以辛補之以酸瀉之以甘緩之歲穀宜蒼間穀宜
稻則風不為邪此六氣之化也歲氣天符為執法若有邪
氣則民有卒急之病所謂邪中執法者民病速而危也

巳酉歲圖



陽明燥金司天少陰君火在泉中見少宮土運歲土不
及氣化運行後天燥化在上左藏化右明化天氣急而其
政切苦化在下左齡化右動化地氣明而其令暴陽
專其令炎暑盛行物燥以堅淳風迺治風燥橫運流於
氣交多陽少陰雲趨雨府濕化迺敷燥極而澤其為氣
也清熱之氣持於氣交風化清化氣勝復同所謂邪氣
化度也清化九雨化五熱化七運是謂正化度也金火
合德上應太白熒惑其穀白丹間穀命太徵者歲物所

宜則羽蟲育地氣所制則介蟲耗寒毒不生其耗白甲
品羽蟄蟲乃見流水不冰民病欬嗌塞寒熱發暴振慄癰
闕清先而勁毛蟲迺死熱後而暴介蟲迺殃然金為天
氣火為地氣火能勝金土運間之其邪乃微天氣虛宜
資化源以助金氣兼安其運土無使受邪食白丹之穀
以安其氣食間氣之穀以去其邪歲宜以醎以苦以辛
汗之清散之運同天氣宜多地化治之常也歲半之前天
氣陽明主之熱淫所勝木迺晚榮草乃晚生民病左

肱脅痛寒清于中感而瘧大涼革候欬腹中鳴注泄驚
澹心脇暴痛噤乾面塵腰痛目昧皆瘍瘡瘕癰病本於
肝診在足太衝之脉法宜平以苦甘佐以酸辛以苦下之
歲半之後地氣少陰主之熱淫于內則燔浮川澤陰處反
明蟄蟲不藏民病腹中常鳴氣上衝胸喘不能久立寒熱
皮膚痛目瞑齒痛頰腫惡寒發熱如瘧小腹中痛腹大
法宜治以鹹寒佐以甘苦以酸收之以苦發之歲運之
化土不及紀曰卑監是謂減化化氣不令生政獨彰長

氣整雨乃愆收氣平風寒並興草木榮美秀而不實成而糝也其氣散其用靜定其化兼所不勝四維有埃雲潤澤之化則春有鳴條鼓折之政四維發振拉飄騰之變則秋有肅殺霖霽之復其青四維其藏脾其病內舍心腹外在肌肉四肢復則收政嚴峻名木蒼凋蒼穀乃損胸脇暴痛下引少腹善太息氣客於脾食少失味治宜以甘和調中初之氣自戊申年大寒日己初至是歲春分日卯初凡六十日八十七刻半主位少角木客氣太陰土

中見土運氣與運同風不勝濕地氣遷陰始凝氣始肅
水乃冰寒雨化其病中熱脹面目浮腫善眠軌衄嚏欠
嘔小便黃赤甚則淋宜治太陰之客以甘補之以苦瀉
之以甘緩之歲穀宜白間穀宜麻雖有熱邪不能為害
是氣也司氣以涼用涼無犯二之氣自春分日郊正至
小滿日丑正凡六十日有奇主位太徵火客氣少陽火
中見土運二火同治陽迺布民迺舒物迺生榮厲大至
民善暴死宜治少陽之客以鹹補之以甘瀉之以鹹更

之歲穀宜白間穀宜豆雖有火邪不能為害三之氣自
小滿日寅初至大暑日子初凡六十日有奇主位太徵
火客氣陽明金中見土運火土金相生天政布涼乃行燥
熱交合燥極而澤民病寒熱宜治陽明之客以酸補之
以辛瀉之以苦泄之歲穀宜白間穀宜黍雖有燥邪不
能為害四之氣自大暑日子正至秋分日戌正凡六十
日有奇主位少宮土客氣太陽水中見土運運土得位
太陽居之寒雨降民病暴仆振慄譫妄少氣噤乾引飲急

心痛宜治太陽之客以苦補之以鹹瀉之歲穀宜丹間穀宜稷則
寒邪不為害五之氣自秋分日亥初至小雪日酉初凡六十日有
奇主位太商金客氣厥陰木中見土運客氣勝運春令反行宜治
厥陰之客以辛補之以甘緩之歲穀宜丹間穀宜稷則風邪不為
害終之氣自小雪日酉正至大寒日未正凡六十日有奇主位少
羽水客氣少陰火中見土運火土相得陽氣布其病溫宜治少陰
之客以鹹補之以酸收之歲穀宜丹間穀宜豆則熱邪不為害六
氣之常也天氣勝則少陽復地氣勝則太陽復治各以其勝復法

庚戌歲圖



太陽寒水司天太陰濕土在泉中見太商金運歲金太
過氣化運行先天天地之氣寒化在上左動化右素化
故天政所布其氣肅甘化在下左明化右灼化故地氣
靜而其令徐寒臨太虛陽氣不令寒政大舉澤無陽燄
則火發待時少陽中治時雨迺涯止極雨散還於太陰
雲朝北極濕化乃布澤流萬物寒敷於上雷動於下水
土合德上應辰星鎮星其穀玄齡歲氣之化寒化一清
化九雨化五正化度也保蟲育歲物所宜也鱗蟲耗燥

毒不生地氣制之也寒濕之氣持於氣交民病寒濕發
肌肉萎足痿不收濡瀉血溢是歲水為天氣土為地
氣中見金運土能勝水天化為虛金運統之土生金金
生水以下生上其化不純天化雖虛氣運相生其邪乃
微宜於九月先資化源以助天氣之虛抑其運金扶其
木氣無使暴過而生其疾食玄穀之穀以全其真避虛
邪之氣以安其政歲宜以苦熱調上以甘熱調下以辛
溫調中運同寒濕以燥熱化治之常也淫勝之氣歲半

之前天氣太陽主之若寒淫所勝則寒氣反至水且水
血變於中發為癰瘍民病厥心痛嘔血血泄軌衄善悲
時暄仆運火炎烈雨暴乃電胸腹滿手熱肘攣腋腫心
澹澹大動胸脇胃腕面赤目黃善噫嗌乾甚則色炁渴
而欲飲病本於心診在手神門之脉法宜平以辛熱佐以
甘苦以鹹瀉之歲半之後地氣太陰主之若濕淫於內
則埃昏巖谷黃反見黑至陰之交民病飲積心痛耳聾
嗌腫喉痺陰病血見少腹痛腫不得小便病衝頭痛目

項腰髀膕脇皆痛宜治以苦熱佐以酸淡以苦燥之以
淡泄之運之化金太過紀曰堅成是謂收引天氣潔地
氣明陽氣隨陰始化燥行其政物以司成收氣繁布化
洽不終其化成其氣削其政肅其令銳切其德霧露蕭
颼其動暴折瘍疰其病喘渴胸仰息其化蕪其所勝故
經曰歲金太過燥氣流行肝木受邪民病兩脇下少腹
痛目赤痛皆瘍耳無所聞肅殺迺甚則體重煩冤胸痛
引背兩脇滿且痛引少腹甚則喘欬逆氣肩背痛下

連股膝間髀腠胫足皆病收氣峻生氣下草木斂蒼
凋隕心脇暴痛不可反側欬逆甚而血溢診在足太衝
之脉其治宜辛溫調中初之氣自己酉年大寒日申初
至是歲春分日午初凡六十日八十七刻半主位少角
木客氣少陽火中見金運客氣勝運地氣遷氣迺大溫
草乃早榮民乃厲溫病乃作身熱頭痛嘔吐肌腠瘡瘍
宜治少陽之客以鹹補之以甘瀉之以鹹熈之歲穀宜
玄間穀宜豆雖有火邪不能為害二之氣自春分日酉


正至小滿日辰正凡六十日有奇主位太徵火客氣陽
明金中見金運氣與運同大涼反至民迺慘草乃遇寒
火氣遂抑民病氣鬱中滿寒乃始宜治陽明之客以酸
補之以辛瀉之以苦泄之歲穀宜玄間穀宜黍雖有燥
邪不能為害是氣也無犯司氣之涼三之氣自小滿日
已初至大暑日卯初凡六十日有奇主位太徵火客氣
太陽水中見金運水勝火天政布寒乃行雨乃降民病
寒反熱中癰疽注下心熱瞢悶宜治太陽之客以苦補

之以醎瀉之以苦堅之以辛潤之歲穀宜玄間穀宜稷
雖有寒邪不能為害四之氣自大暑日卯正至秋分日
丑正凡六十日有奇主位少宮土客氣厥陰木中見金
運木勝土金反制之入遇太陰交司風濕交爭風化為
雨迺長迺化乃成民病大熱少氣肌肉萎足痿注下赤
白宜治以厥陰之客以辛補之以醎瀉之以甘緩之歲
穀宜齡間穀宜稻雖有風邪不能為害五之氣自秋分
日寅初至小雪日子初凡六十日有奇主位太商金客

氣少陰火中見金運歲運得位客氣勝之陽復化草乃長
乃化乃成民乃舒宜調少陽之客以鹹補之以甘瀉之
以酸收之歲穀宜齡間穀宜豆雖有熱化不能為邪終
之氣自小雪日子正至大寒日戌正凡六十日有奇主
位太羽水客氣太陰土中見金運土生金金生水其化
順地氣正濕令行陰凝太虛埃昏郊野民乃慘悽寒風
以至反者孕乃死宜治太陰之客以甘補之以苦瀉之
以甘緩之歲穀宜齡間穀宜麻雖有濕邪不能為害六

氣之化也是歲天氣勝者太陰復之地氣勝者厥陰復
之其治皆如復氣之法濕者燥之溫者清之無翼其勝
無贊其復此其道也

辛 亥 歲 圖



厥陰風木司天少陽相火在泉中見少羽水運歲水不
及氣化運行後天風化在上左灼化右玄化故天氣擾
而其政撓苦化在下左清化右柔化故地氣正而其令
速風生高遠炎熱從之雲趣雨府濕化迺行風火同德
上應歲星熒惑其穀蒼丹間穀言太商者其耗文角品
羽風燥火熱勝復更作風病行於上熱病行於下風燥
勝復邪氣化形于中雨化風化勝復邪氣化度也風化
三寒化一火化七正化度也其在物則毛蟲靜羽蟲育

是謂歲物所宜介蟲耗寒毒不生是謂地氣所制然歲
氣升降天氣為陽而其化虛地氣為陰而其化盈當資
化源以助司天之木氣化源雖虛水運在中水能生木
邪迺微也必贊歲運之水扶其不足調上用辛調下用
鹹畏火之氣甚无妄犯歲半之前厥陰為主若風淫所
勝則太虛埃昏雲物以擾寒生春氣流水不冰民病胃
脘當心而痛上肢兩脇膈咽不通飲食不下舌本強食
則嘔冷泄腹脹溇泄痼水閉病本于脾診在足衝陽之

脉其法平以辛涼佐以苦甘以甘緩之以酸瀉之歲半
之後少陽主之火淫所勝則燭明郊野寒熱更至民病
注泄赤白少腹痛溺赤甚則血便其法治以鹹冷佐以苦
辛以酸收之以苦發之是歲水運不及紀曰涸流是謂反
陽藏令不舉化氣迺昌長氣宣布蟄蟲不藏土潤水泉
減草木條茂榮秀滿盛其氣滯其用滲泄其動堅止其
法燥槁其果棗杏其實濡肉其穀黍稷其味甘鹹其色
齡玄其畜羝牛其蟲鱗保其主埃鬱昏翳其聲羽宮其

在人也病為痿厥堅下從土化也病為癰閼邪傷腎也
法宜以苦和調之也初之氣自庚戌年大寒日亥初至
是歲春分日酉初凡六十日八十七刻半主位少角木
客氣陽明金中見水運金勝木水運間之寒始肅殺氣
方至民病寒於右之下宜治陽明之客以酸補之以辛
瀉之以苦泄之歲穀宜蒼間穀宜黍二之氣自春分日
酉正至小滿日未正凡六十日有奇主位太徵火客氣
太陽水中見水運氣與運同寒不去華雪水冰殺氣施

行霜迺降名草上焦寒雨數至陽復化民病熱於中宜
治太陽之客以苦補之以鹹瀉之以苦堅之以辛潤之
歲穀宜蒼間穀宜稷是氣也慎無犯寒三之氣自小滿
日申初至大暑日午初凡六十日有奇主位太徵火客
氣厥陰木中見木運天政布風迺時舉民病泣出耳鳴
掉眩宜治厥陰之客以辛補之以酸瀉之以甘緩之歲
穀宜蒼間穀宜稻四之氣自大暑日午正至秋分日辰
正凡六十日有奇主位少宮土客氣少陰火中見水運

濟暑濕熱相薄爭於左之上民病黃瘡而為肘腫宜治
少陰之客以鹹補之以甘瀉之以酸收之歲穀宜丹間
穀宜豆五之氣自秋分日已初至小雪日卯初凡六十
日有奇主位太商金客氣太陰土中見水運燥濕更勝
沉陰迺布寒氣及體風雨迺行宜治太陰之客以甘補
之以苦瀉之以甘緩之歲穀宜丹間穀宜麻終之氣自
小雪日卯正至大寒日丑正凡六十日有奇主位少羽
水客氣少陽火中見水運畏火司令陽迺大化蟄蟲出

見流水不冰地氣大發草廼生人廼舒其病溫厲宜治
少陽之客以醎補之以甘瀉之以醎粟之歲穀宜丹間
穀宜豆此六氣之化也歲氣之交司天氣勝則陽明復
之在泉氣勝則太陽復之治勝復者各以其法

壬子歲圖



少陰君火司天陽明燥金在泉中見太角木運歲木太過氣化運行先天君火在上左太陰右厥陰燥金在下左太陽右少陽故天政所布其氣明地氣肅而其令切寒交暑熱加燥雲馳雨府濕化乃行時雨乃降金火合德上應熒惑太白其穀丹白熱化二風化八清化四正化度也羽蟲靜介蟲育歲物之宜也毛蟲耗濕毒不生地氣制之也寒熱之氣持於氣交而為病始熱病生於上清病生於下寒熱相犯而爭於中則民病欬喘血溢血

泄嘔噎目赤皆瘍寒厥入胃心痛腰痛腹大噎乾腫上
是歲火為天氣金為地氣木運在中火勝金木生火天
氣盈宜先取化火之化源必抑其運木資其歲勝無使
暴過而生其病食白丹之穀以全真氣食間氣之穀以
辟虛邪歲宜醎以更之而調其上甚則以苦發之以酸
收之而安其下甚則以苦泄之運同天氣宜以寒清化其
化上醎寒中酸涼下酸溫藥食宜也歲半之前熱化主
之熱淫所勝則怫熱至火行其政民病胸中煩熱噎乾

右怯滿皮膚痛寒熱欬喘大雨且至唾血血泄衄嘔
嘔溺色變甚則瘡瘍肘腫肩背臂膈及缺盆中痛心痛
肺腹大滿膨膨而喘欬病本于肺診在手尺澤之脉
法宜平以鹹寒佐以苦甘以酸收之歲半之後燥化主
之燥淫所勝則霧霧清暝民病喜嘔嘔有苦善太息心
脇痛不能久側甚則噎乾面塵身無膏澤足外反熱法
宜治以苦溫佐以甘辛以苦下之歲運之化紀曰發生
是謂啟陳土踈泄蒼氣達陽和布化陰氣迺隨生氣淳

化萬物以榮其化生其氣美其政散其令條舒其動掉
眩顛疾其德鳴靡啟折其變振拉摧拔其化兼其所勝
其病怒上微則其氣逆其病吐利故曰歲木太過風氣
流行脾土受邪民病飡泄食減體重煩冤腸鳴腹痛滿
甚則忽忽善怒眩冒癰疾化氣不正生氣獨治雲物飛
動草木不寧甚而搖落反脅痛而吐甚診在足衝陽之
脉味宜以酸涼調之也初之氣自辛亥年大寒日寅初
至是歲春分日子初凡六十日八十七刻半主位太角

木客氣太陽水中見木運地氣遷燥將去寒迺始蟄復
藏水迺冰霜復降風迺至陽氣鬱民反周密闕節禁固
腰膝痛炎暑將起中外瘡瘍宜調太陽之客以苦補之
以鹹瀉之以苦堅之以辛潤之歲穀宜丹間穀宜稷則
寒氣不能為害二之氣自春分日子正至小滿日戌正
凡六十日有奇主位少徵火客氣厥陰木中見木運氣
與運同是謂司氣陽氣布風乃行春氣以正萬物應榮
寒氣時至民迺和其病淋目瞑目赤氣鬱於上而熱宜


調厥陰之客以辛補之以酸瀉之以甘緩之歲穀宜丹
間穀宜稻則風邪不能害是氣也元紀司氣之溫三之
氣自小滿日亥初至大暑日酉初凡六十日有奇主位
少徵火客氣少陰火中見木運木生火火當其位天政
布大火行庶類蕃鮮寒氣時至民病氣厥痛寒熱更作
欬逆目赤宜治少陰之客以鹹補之以甘瀉之以酸收
之歲穀宜丹間穀宜豆則熱邪不能為害四之氣自大
暑日酉正至秋分日未正凡六十日有奇主位太宮土

客氣太陰土中見木運土居其位溽暑至大雨時行寒
熱反至民病寒熱噤乾黃痺飢飢飲發宜調太陰之客以
甘補之以苦瀉之以甘緩之歲穀宜白間穀宜麻則濕
氣不能為害五之氣自秋分日申初至小雪日午初凡
六十日有奇主位少商金客氣少陽火中見木運木生
火畏火臨暑反至陽迺化萬物迺生迺長榮民迺康其病
溫宜治少陽之客以鹹補之以甘瀉之以鹹熯之歲穀
宜白間穀宜豆雖有火氣不能為害終之氣自小雪日

午正至大寒日辰正凡六十日有奇主位太羽水客氣
陽明金中見木運金勝木燥令行餘火內格腫於上欬
喘甚則血溢寒氣數舉則霧靄翳病生皮腠內舍於脇
下連少腹作寒中地將易也宜治陽明之客以酸
補之以辛瀉之以苦泄之歲穀宜白間穀宜黍則
燥氣不能為害歲氣之交天氣勝則太陽復之地
氣勝則少陽復之觀其氣至以法為治熱者寒之
寒者熱之清者溫之无翼其勝无贊其復此治之

大體也

癸丑歲圖



太陰濕土司天太陽寒水在泉中見少徵火運歲火不及氣化運行後天太陰在上左少陽右少陰故地氣上騰陰專政而其政肅太陽在下左厥陰右陽明故天氣下降陽氣退辟而其令寂大風時起原野昏霧白埃四起雲奔南極寒雨數至物成於差夏濕寒合德黃黑埃昏流行氣交上應鎮星辰星其穀斡玄間穀命太角之穀寒化雨化脫復同是謂邪氣化度也雨化五火化二寒化六是謂正化度也陰凝於上寒積於下寒水勝火則為

水電陽光不治殺氣迺行保蟲靜鱗蟲育是謂歲物所宜
羽蟲耗熱毒不生是謂地氣所制有餘宜高不及宜下
有餘宜晚不及宜早土之利氣之化也民氣亦從之其
病寒濕腹滿身臃憤肘腫痞逆寒厥拘急是歲濕土在
上寒水在下土能制水天氣盈地氣虛宜取化源以平
土氣益其歲氣使無邪勝食齡玄之穀以全其真食間
氣之穀以保其精歲宜以苦燥之溫之甚者發之泄之
不發不泄則濕氣外溢肉潰皮拆而水血交流必贊其

陽火令禦甚寒運異寒濕燥熱宜少故藥食之宜其化
上苦溫中鹹溫下甘熱歲半之前太陰主之濕淫所勝
沉陰旦布雨變枯槁民病胕腫骨痛陰痺陰痺者按之
不得腰脊頭項痛時眩大便難陰氣不用饑不欲食咳嗽
則有血心如懸病本於腎診在足太谿當平以苦熱佐
以酸辛以苦燥之以淡泄之歲半之後太陽主之寒淫
於內凝肅慘慄民病少腹控臑引腰脊上衝心痛血見
嗌痛頤腫宜治以甘熱佐以苦辛以鹹瀉之以辛潤之以

苦堅之運火不及命曰伏明之紀是謂勝長長氣不宣
藏氣反布收氣自政化令迺衡寒清數舉暑令乃薄承
化物生生而不長成實而稚過化已老陽氣屈伏蟄蟲
早藏其氣鬱其用暴其動彰伏變易其發痛其病昏惑
悲忘其化兼其所不勝夏有炳明光顯之化則冬有嚴
肅霜寒之政若夏有慘淒凝冽之勝則不時有埃昏大
雨之復其青南其藏心其病內舍膺脇外在經絡故曰
歲火不及寒迺盛行長政不用物榮而下凝慘而甚則

陽氣不化迺折榮美民病胸中痛脇肢滿兩脇痛膺背肩
脾間及兩臂內痛甚則屈不能伸髀髀如別復則埃鬱
大雨且至黑氣迺溽民病注泄其法悉以醎溫調中初
之氣自壬子年大寒日己初至是歲春分日卯初凡六
十日八十七刻半主位太角木客氣厥陰木中見火運
風木得位地氣遷寒迺去春氣正風迺來生布萬物以
榮民氣條舒風濕相搏雨迺後民病血溢筋絡拘強關
節不利身重筋痿宜調厥陰之客以辛補之以酸瀉之

以甘緩之歲穀宜齡間穀宜稻則風不為邪二之氣自
春分日卯正至小滿日丑正凡六十日有奇主位少徵
火客氣少陰火中見火運君火自居其位不司氣化是
謂灼化大火正物承化民迺和其病溫厲勝行遠近咸
若濕蒸相搏雨迺時降宜調少陰之客以鹹補之以甘
瀉之以酸收之歲穀宜齡間穀宜豆則熱不為邪三之
氣自小滿日寅初至大暑日子初凡六十日有奇主位
少徵火客氣太陰土中見火運歲火當位濕化鬱之天

政布濕氣降地氣騰雨迺時降寒迺隨之感於寒濕則
民病身重肘腫胸腹滿宜治太陰之客以甘補之以苦
泄之以甘緩之歲穀宜齡間穀宜麻則濕不為邪四之
氣自大暑日子正至秋分日戌正凡六十日有奇主位
太宮土客氣少陽火中見火運氣與運同畏火臨溽蒸
化地氣騰天氣否隔寒風曉暮蒸熱相搏草木凝煙濕
化不流則白露陰布以成秋令民病腠理熱血暴溢瘡心腹
滿熱臚脹甚則肘腫宜治少陽之客以鹹補之以甘瀉

之以醎更之歲穀宜玄間穀宜豆則火不為邪是氣也
無犯司氣之熱五之氣自秋分日亥初至小雪日酉初
凡六十日有奇主位少商金客氣陽明金中見火運氣
與運同燥令已行寒露下霜迺早降草木黃落寒氣及
體君子周密民病皮腠宜調陽明之客以酸補之以辛
瀉之以苦泄之歲穀宜玄間穀宜黍則燥不為邪終之
氣自小雪日酉正至大寒日未正凡六十日有奇主位
太羽水客氣太陽水中見火運水當其位而能勝火寒

陽氣不化迺折榮美民病胸中痛脇肢滿兩脇痛膺背肩
脾間及兩臂內痛甚則屈不能伸髀髀如別復則埃鬱
大雨且至黑氣迺溽民病注泄其法悉以醎溫調中初
之氣自壬子年大寒日己初至是歲春分日卯初凡六
十日八十七刻半主位太角木客氣厥陰木中見火運
風木得位地氣遷寒迺去春氣正風迺來生布萬物以
榮民氣條舒風濕相搏雨迺後民病血溢筋絡拘強關
節不利身重筋痿宜調厥陰之客以辛補之以酸瀉之

以甘緩之歲穀宜齡間穀宜稻則風不為邪二之氣自
春分日卯正至小滿日丑正凡六十日有奇主位少徵
火客氣少陰火中見火運君火自居其位不司氣化是
謂灼化大火正物承化民迺和其病溫厲勝行遠近咸
若濕蒸相搏雨迺時降宜調少陰之客以鹹補之以甘
瀉之以酸收之歲穀宜齡間穀宜豆則熱不為邪三之
氣自小滿日寅初至大暑日子初凡六十日有奇主位
少徵火客氣太陰土中見火運歲火當位濕化鬱之天

政布濕氣降地氣騰雨迺時降寒迺隨之感於寒濕則
民病身重肘腫胸腹滿宜治太陰之客以甘補之以苦
泄之以甘緩之歲穀宜齡間穀宜麻則濕不為邪四之
氣自大暑日子正至秋分日戌正凡六十日有奇主位
太宮土客氣少陽火中見火運氣與運同畏火臨溽蒸
化地氣騰天氣否隔寒風曉暮蒸熱相搏草木凝煙濕
化不流則白露陰布以成秋令民病腠理熱血暴溢瘡心腹
滿熱臃脹甚則肘腫宜治少陽之客以鹹補之以甘瀉

之以醎災之歲穀宜亥間穀宜丑則火不為邪是氣也
無犯司氣之熱五之氣自秋分日亥初至小雪日酉初
凡六十日有奇主位少商金客氣陽明金中見火運氣
與運同燥令已行寒露下霜迺早降草木黃落寒氣及
體君子周密民病皮腠宜調陽明之客以酸補之以辛
瀉之以苦泄之歲穀宜亥間穀宜辰則燥不為邪終之
氣自小雪日酉正至大寒日未正凡六十日有奇主位
太羽水客氣太陽水中見火運水當其位而能勝火寒

火與濕火化霜迺降陰迺凝水堅冰陽光不治感於寒則
病人關節禁固腰膝痛持於氣交而為疾也宜調太陽
之客以苦補之以鹹瀉之以苦堅之以辛潤之歲穀宜
玄間穀宜稷則寒不為邪此六氣之節也氣交之化天
氣勝者則有厥陰之復地氣勝者則有太陰之復各以
其勝復法治之

欽定四庫全書

普濟方卷十一

四十一

普濟方卷十一